

Gjykata Komunale për Kundërvajtje në Kamenicë, përmes gjyqtarit, **Sadri Krasniqi**, me sekretaren juridike **Resmije Krasniqi**, duke vendosur në procedurën kundërvajtëse kundër të pandehurit **Fatmir Bajram Maliqi** nga Kamenica, për shkak të kundërvajtjes nga neni 8.1, lidhur me nenin 5 dhe 6, pika 1.2 e sanksionuar sipas nenit 17, paragraf 1.1 të Ligjit për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, nr.04/L-050, e në bazë të nenit 9,73,74,195 dhe 199 të Ligjit për kundërvajtjet, më **31.10.2012**, hortoi

A K T V E N D I M

I pandehuri **Fatmir Bajram Maliqi**, i lindur më 06.01.1968 në fsh.Busavatë, këshilltar në Asamblenë Komunale në Kamenicë, i martuar, prind i dy fëmijëve, ka të kryer shkollën e mesme, i gjendjes së mesme ekonomike, i padënuar për kundërvajtje, nuk është nën hetime, me vendbanim të përhershëm në rr."Fehmi Agani" në Kamenicë,

Ë S H T Ë F A J T O R

Sepse si zyrtarë i lartë publik, këshilltar i Asamblesë Komunale Kamenicë, nuk e ka bërë deklarimin e rregullt vjetor të pasurisë për vitin 2012, në Agjencinë Kundër Korrupsionit, brenda afatit ligjor prej 01deri më 31 mars 2012,

-me ç'rast i pandehuri ka shkaktuar kundërvajtje nga neni 8.1, lidhur me nenin 5 dhe 6, pika 1.2 e sanksionuar sipas nenit 17, paragraf 1.1 të Ligjit për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, nr.04/L-050, andaj në bazë të dispozitave të të njejtit ligj, e në pajtim me dispozitat ligjore të nenit 9 të Ligjit për kundërvajtjet,

D Ë N O H E T

Me të holla në shumë prej **450 €**, të cilin dënim i pandehuri është i obliguar ta arkëtoj në afatin prej 15 ditësh nga dita e plotëfuqishmërisë së këtij aktvendimi, në të kundërtën, dënimi me të holla do t'i zëvendësohet me dënim burgu në kohëzgjatje prej **30 ditësh**, duke logaritur një ditë burgu 15 €.

Obligohet i pandehuri që në emër të paushallit gjyqësor, në afatin e lartëcekur, të arkëtoi shumën prej 5 €. Dënimin dhe paushallin gjyqësor i pandehuri e arkëton në këtë gjykatë . Me aktvendim të njoftohet i pandehuri dhe parashtruesi i kërkesës .

A r s y e t i m

Agjencia Kundër Korrupsionit në Prishtinë, me kërkesën nr. 01-2334/12, të parashtruar më 18.07.2012, ka propozuar që kundër të pandehurit **Fatmir Bajram Maliqi** nga Kamenica, të fillohet dhe shtjellohet procedura kundërvajtëse, për shkak të kundërvajtjes nga neni 9, lidhur me nenin 5 dhe 6, paragraf 1.3, e sanksionuar sipas nenit 17, paragraf 1.3 të Ligjit për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, nr.04/L-050, të shpallët fajtor dhe të dënohet sipas ligjit.

Gjykata vlerësoi kërkesën dhe pas shqyrtimit të së njejtës dhe shkresave tjera të lëndës konstatohet se kërkesa është e bazuar në ligj, andaj duke vepruar sipas të njejtës, ka caktuar séancë gjyqësore për shqyrtimi kryesor kundër të pandehurit më 15.10.2012, i cili gjatë paraqitjes së mbrojtjes së tij e pranon kundërvajtjen për të cilën ngarkohet sipas kërkesës, por jo edhe fajsinë, duke thekësuar se është e vërtetë se me kohë është njoftuar prej zyrtarit komunal, për afatin e deklarimit të pasurisë, por për shkak se pasurinë e kishin të përbashkët, të pandarë me vëllezërit dhe axhën e tij dhe të njejtit gjatë asaj kohe ishin në botën e jashme, nuk ka mundur që me kohë ta bëjë deklarimin e pasurisë. I pandehuri në vazhdim thekëson se me vonesë, përkatësisht para dy muajësh e ka deklaruar pasurinë në Agjencinë Kundër Korrupsionit në Prishtinë.

Me qëllim të vërtetimit dhe konstatimit të drejtë dhe të plotë të gjendjes faktike, gjatë procedurës është dëgjuar edhe dëshmitari, **Fisnik Kastrati**, zyrtar juridik i Shërbimeve publike në Kamenicë, njëherit personi kontaktues me Agjencinë Kundër Korrupsionit, i cili deklaroi se në momentin e marrëjes së formularëve prej agjencionit, menjëher në të dy gjuhët i ka njoftuar të gjithë zyrtarët e lartë publikë, të cilët janë të obliguar sipas ligjit që të deklarojnë pasurinë, më 27.02.2012, ku si dëshmi ofron nënshkrimet e zyrtarëve që kanë pranuar njoftimin me shkrim dhe më 20.03.2012. njoftimin me shkrim i a ka bashkangjitur materilit për séancën e kuvendit.

Lidhur me rastin në cilësi të dëshmitarit është dëgjuar edhe **Enis Sadiku**-zyrtar i lartë për mbikqyrjen e pasurisë pranë Agjensisë Kundër Korrupsionit, i cili në séancën gjyqësore të mbajtur më 30.10.2012, deklaroi se agjensioni nuk është i obliguar, njëherit edhe nuk ka mundësi që çdo zyrtar ligjor personalisht ta njoftoj, por pran çdo institucioni ka një zyrtar kontaktues, për Kamenicë është Fisnik Kastrati, andaj pasi që zyrtari i lartëcekur nuk e ka deklaruar pasurinë në afatin ligjor, kundër të njejtit kanë parashtruar kërkesë për iniciimin e procedurës kundërvajtëse.

Gjykata vlerësoi mbrojtjen e parashtruar nga i pandehuri, por nuk i kushtoi besim ngase e njejtja si e tillë ishte e pa bazuar dhe jo bindëse, e përgaditur me qëllim të shmangëjes nga përgjegjësia, ndërsa dëshmit e parashtruara nga ana e dëshmitarëve në tërësi e përfilli dhe i kushtoi besim të plotë ngase të njejtat sa i përket rrefimit për kundërvajtjen e shkaktuar ishin mjaftë bindëse, të logjikshme dhe në pajtushmëri të plotë me pretendimet e kërkesës dhe provat materjale të bashkangjitura në kërkesë, ashtu që vlersuar në kontest me mbrojtjen e të pandehurit në tërësi kanë konstatuar vërtetësinë e kërkesës përkitazi me veprën kundërvajtëse që të njejtit i veheet në ngarkesë. Kështu, gjykata duke e vlerësuar drejtë mbrojtjen e të pandehurit, dëshmit e dëshmitarëve dhe të dhënat tjera në kërkesë, në mënyrë të drejtë dhe të plotë vërtetoi gjendjen faktike dhe ka konstatuar se i pandehuri **Fatmir Maliqi**, si zyrtarë i lartë publik, këshilltarë në Ansamblen Komunale në Kamenicë, nuk e ka bër me kohë deklarimin e rregullt vjetor të pasurisë për vitin 2012, andaj gjykata bëri rikualifikimin e kundërvajtjes dhe gjeti se në rastin konkret në veprimet e të pandehurit ekzistojnë elementet e kundërvajtjes nga dispozitat e nenit 8.1, lidhur me nenin 5 dhe 6, pika 1.2 e sanksionuar sipas nenit 17, parag.1.1 të Ligjit për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, nr.04/L-050, për të cilën kundërvajtje gjykata të pandehurin e shpalli fajtor dhe e dënoi me të holla në shumën prej 450 €.

Me rastin e përcaktimit për llojin dhe lartësinë e dënimit ndaj të pandehurit për kundërvajtjen e kryer, gjykata vlerësoi rrethanat të cilat në kuptim të nenit 7 të Ligjit për kundërvajtjet, ndikojnë në zbutjen apo ashpërsimin e dënimit, në këtë rast si rethana lehtësuese pati parasysh faktin se i pandehuri për herë të parë ka rënë ndesh me ligjin, se ndaj tij nuk zhvillohet procedurë tjetër kundërvajtëse, si dhe pakujdesinë e tij që me kohë ta bëjë deklarimin e pasurisë për faktin se këshilltarët komunal sipas ligjit këtë vitë për herë të parë janë të obliguar që të deklarojnë pasurinë, duke vlerësuar se edhe me shqiptimin e dënimit në të holla në shumë si më lart, do të arrihet qëllimi i dënimit, si dhe do të ndikoj pozitivisht në përmirësimin e të pandehurit që në të ardhmën të mos kryej kundërvajtje të këtillë apo të ngjajshme. Në pajtim me nenin 9 të Ligjit për kundërvajtjet, gjykata me rastin e shqiptimit të dënimit bëri zbutjen e dënimit të përcaktuar me ligj për këtë kundërvajtje.

Vendimi për paushallin gjyqësor është shqiptuar në bazë të nenit 109 të Ligjit për kundërvajtjet
Nga të cekurat më lartë u vendos si në dispozitiv të aktvendimit.

GJYKATA KOMUNALE PËR KUNDËRVAJTJE NË KAMENICË

Më 31.10.2012

GJYQTARI
Sadri Krasniqi, d.v.

KËSHILLA JURIDIKE: Kundër këtij aktvendimi lejohet ankesa në Gjykatën e Lartë për Kundërvajtje në Prishtinë, brenda afatit prej 8 ditësh nga dita e pranimit të këtij aktvendimi, përmes kësaj gjykate.

